



KOPI PAHIT

Ada orang bilang kalau pergi ke ibu kota Persekutuan,
mesti pakai bedak dan gincu, kalau lelaki licinkan
pipi kerana ada peluang pergi ke suatu ceruk yang menyiapkan
tukang-tukang gambar supaya tempatnya dilawati orang dan akan
tersiar gambar-gambarnya di akhbarnya. Ini bagus bung! Kerana
jadi tradisi supaya tempat yang sunyi itu ramai
dikunjungi orang! Begitulah suatu cara yang baik bung!

* * *

Al-kisah diceterakan oleh yang empunya cetera bahawa
kalau Sardon berkata-kata banyak sahaja salahnya, banyak sahaja
tuduhannya. Tetapi kalau adik awak semuanya bagus semata!
Ini dikatakan pepatah: "Tuma di seberang nampak gajah di tepi
mata tak nampak." – Kata orang kalau kena kepada awak didiamkan
sudahlah – Begitulah cara bersurat khabar yang adil bung!

* * *

Tunku Abdul Rahman yang selama ini diam dalam perkara
bidasan-bidasan yang dihadapkan kepadanya oleh orang-orang yang tidak
suka orang-orang Islam China yang terlantar di Hong Kong dibawa
ke mari telah menyatakan dengan tegas bahawa beliau mempelawa mereka
ialah kerana "untuk duduk mencari kehidupan sambil
memelihara dan mengembangkan Islam." Perkataan mengembangkan
Islam yang diucapkan oleh Tunku itulah yang besar sekali
ertiya bagi perjuangan Islam. Itulah kewajipan, Tunku!

* * *

Tunku menuduh orang-orang yang menghalang tuan itu sebagai
orang-orang yang tidak mengendahkan usaha mengembangkan agama
Islam dan menolong saudara-saudaranya yang terlantar kerana keyakinannya.
Benar Tunku! Ini kalau dibuat dan dijalankan sebenarnya adalah
semata-mata perjuangan politik yang bertopengkan agama tetapi
batinnya berdasarkan perjuangan kebangsaan jahiliah.

* * *

Pelajaran agama akan dijalankan di sekolah-sekolah umum
di Singapura. Ini bagus tetapi rupanya caranya ganjil.
Belajar dahulu sebelum ada buku atau kitabnya, kitabnya dipungut
di mana-mana yang disukai dengan tidak ada sukaan pelajaran.
Ini, kalau diikut istilah pepatah berlari sebelum pandai
berdiri! Cara inikah hendak menyelenggarakan pelajaran agama?
Jawab Pak Sidek!

* * *

Berita Minggu, akhbar harian Indonesia pengampu
Sukarno mengatakan majalah Qalam yang menyiaran berita-berita tentang
keganasan tentera Indonesia terhadap bangsa Indonesia
sendiri sebagai "kurang ajar!" Apakah kurang ajar
kalau orang mau mengajar supaya jangan merampas isteri
orang kerana ia Presiden, ataupun kurang ajar kalau
memberitakan tentera Indonesia masuk ke dalam masjid
dengan sepatu, bunuh orang ramai-ramai, suruh pegang kemaluan
dengan kemaluan, bunuh orang awam berjejer di tepi lubang
lalu ditembak, tonyoh api rokok kepada tetek dan
kemaluan perempuan, makan suap, tangkap orang, ditahan,
kemudian minta tebusan? Adakah yang mempertahankan yang kurang
ajar ataupun yang menyembunyikan yang kurang ajar
bung!

* * *

Di Brunei, pertengahan bulan Oktober yang lalu hanya 16
orang sahaja yang mendaftarkan diri tidak ada kerja.
Di Singapura, Tuan Lim Yew Hock pening kepala. Bukan
sahaja masalah ini memeningkan kepala Tuan Lim Yew Hock
tetapi harus pula timbul kelak banyak berita-berita kerana
tidak ada kerja lalu putus asa, makan tak cukup tanggungan
ada lalu membawa kepada banyak hal-hal yang tidak digemari seperti
bilangannya yang ada sekarang. Tak ada kerja mau kerja tetap, makan
dapat dengan buat kesalahan, masuk penjara, makan dapat kerja
dapat hidup dijaga Bung! Ini lebih baik kesudahannya,
buat mereka, daripada kalau tidak ada kerja putus asa,
terjun dari rumah tinggi, bakar tubuh atau terjun
laut – habis perkara. Ini betul tetapi kalau takdirnya
tidak mati macam mana pula. Walhasil serba salah Bung!
Yang bertanggungjawab dalam perkara ini, kalau pengertian Islam
ialah kepala negara kerana perbuatannya yang menjadikan sebab banyak
orang kena buang kerja. Mau tau sebabnya tanya sama

Cemeti al-Farouk.